



# گُرلاتِ طبع

فرگس نور

بِسْمِ اللَّهِ الرَّحْمَنِ الرَّحِيمِ

# گُرلات

نرگس نور

ISBN

## جملہ حقوق محفوظ ہیں

ناں کتاب	:	گُرلاٹ
سرورق	:	
کمپوزنگ	:	عمران حسینی 0322-6920386
سن اشاعت	:	
مُل	:	
چھاپن والے	:	
تعداد	:	500

# فہرست

- .1
- .2
- .3
- .4
- .5
- .6
- .7
- .8
- .9
- .10
- .11
- .12
- .13
- .14
- .15
- .16
- .17
- .18
- .19
- .20
- .21
- .22



.23

.24

.25

.26

.27

.28

.29

.30

.31

.32

.33

.34

.35

.36

.37

.38

انتساب

سخن فہم، سخن شناس،

سینئر زاساتذہ کرام

اور

مس محر جی کے

نام

## ”کُراٹ“

بندہ آخر کئے کو دکھ جے۔۔۔۔۔ کنیاں کو روئیاں نظمیں دے ہنوں  
پونجھے۔۔۔۔۔ کنے کو شعراں دے زخماں اتے تغزل تے ترم دے مرہم رکھے۔۔۔۔۔ کنیاں  
کو غزلاں دے ننگے پنڈیاں نوں علامتاں تے تشبیہاں دے رنگے لیڑیاں نال  
کجے۔۔۔۔۔؟ دکھ نہیں مکدے۔۔۔۔۔ حیاتی مک جاندا اے۔

”کُراٹ“ بن کے بے حس معاشرے دیاں کندھاں ڈھا دیندی اے۔  
نھیریاں چے ڈبے ایس ڈراوے تے لو بھ دے مارے معاشرے نوں راہ وکھان لئی  
زگس نور دی ایہہ ”کُراٹ“ کسے چان توں گھٹ نہیں جہنے ایس معاشرے چے اچھ طور تے  
عورت دے دکھ نوں اپنے شعراں راہیں اک نو پکے تے بھرویں انداز چے پیش کیتا اے:

صدقے وچ جو واری گئی آں  
اس لئی میں اتاری گئی آں



رسمیں تھلے دبی گئی آں  
لج دی خاطر ماری گئی آں

ماں، دھی، بیوی تے بہن دے روپ وچ ایس سماج چے عورت نے کئے دکھ  
ویکھے نیں، کنیاں اکھاں چول تنخواں دامینہ ورہیا اے، کنیاں جیہاں نوں چپ دے  
جندرے و بے نیں، کئے سراں دیاں چنیاں لیرو لیرو کردتیاں گئیاں تے کنیاں بھیناں  
عزت دے نال توں واردتیاں گئیاں نہ کوئی جان داہے تے نہ ہی جاننا چاہندا ہے۔ زکس نور  
نے ایہ کم بڑی ہمت تے جرأت نال اپنی ”کراٹ“ راہیں پیش کیٹا اے:

جو وی ریت بنائی گئی اے  
عورت ای ازمانی گئی اے

☆☆

زن تے زر دے رولے اندر  
قبراں تیک لڑائی گئی اے

☆☆

مینوں پسلی وچوں کڈھ کے  
تیسری شان ودھائی گئی اے

جدوں چیتڑ دے پھل وی بے رنگے تے کھلائے جا پین، بہاراں دیا قبرباں  
تے خزاواں دے کتبے دور کھلوتے اکھاں کڈھن، تنے دریاواں دے بلھ اندر دے زہر نال  
نیلے ہو جاوَن تے سوچ داماں آئبل جاندا اے، اکھاں پتھر اجاندیاں نیں تے ڈب دے  
ساہواں وچوں کلجھ چیر دین والی ”کراٹ“ نکلی اے:

سڑیاں رتیاں اُجڑے کھیت  
 دُکھاں دی گڑلاٹ  
 چارے پاسے نس رہی اے  
 بھکھاں دی گڑلاٹ  
 ایہو سوچ کے لکھ رہی آں  
 شعراں دے وچ درد  
 اک دن انبراں تک جانی اے  
 دُکھاں دی گڑلاٹ

نرگس نور دے ہاں دکھاواتے بناوٹ نہیں اے سگیاں اوہ اک سچل تے کھسری  
 شاعرہ اے ایہو گل اے کہ اوہ شاعری تے اپنے نال جڑے رشتیاں نوں ٹٹ کے پیار کر دی  
 اے، اپنے جذبیال دا اظہار ایسے سوہنے تے مٹھے انداز چے کر دی اے کہ گل سدھی دل چے  
 اتر جاندی اے:

اپنے قول نبھائے نے میں گلاں دی پرواہ نہیں کیتی  
 کچیاں گھڑیاں اتے تگنی چھلاں دی پرواہ نہیں کیتی



پیار دے ڈھنگ بدل دتے نیں اج دے آدم زادے نے  
 کھڑن توں پہلاں پھل اجاڑے ولّاں دی پرواہ نہیں کیتی

اپنی پہلی کتاب اندر عام شاعران طرح نرگس نور نے صرف ردیف قافیہ نہیں نبھایا  
 سگیاں اپنے شعراں اندر معاشرے دی بے راہ روی، مشرقی عورت دادکھ، محبت دی

پاکیزگی تے سماج نوں چمبڑی انھی بھکھ دے درد نوں بھرویں تے نویکے انداز نال بیان  
کیتا اے کجھ شعر تسی وی دیکھو:

آپاں دوویں کدوں ملے سی  
جھوٹی خبر اڑائی گئی اے

☆☆

انسراں دے چن تارے سوچاں  
بدوئی تیرے بارے سوچاں

☆☆

تیرے نال کھلو جاواں تے  
سورج دے لشکارے سوچاں

☆☆

میں بدلاں وچ اڈی اڈی جانی آں  
اوہدے دلوں جدوں اشارے ہندے نیں  
ایس خوبصورت کتاب دے شائع ہون تے میں زنگس نور نوں مبارکباد پیش کردا  
ہاں-----!

صغیر تبسم

22 جون 2020

## ہو کے تے ہاواں

ملاقات تے بڑی مختصری، چند لفظاں دا تبادلہ ہو یا سی۔ اوکاڑا دے دوستاں نے ”ترویج ادب پاکستان“ دے زیر اہتمام میرے شعری مجموعہ ”پھر مسافر کو لوٹ آنا ہے“ دی تقریب پذیرائی وچ شرکت کیتی نالے اس تقریب نوں کوریج وی دتی۔ ایس مختصر جینیں ملاقات اچ میں اندازہ کر لیا سی کہ محترمہ زگس نور دی شخصیت دے کئی پہلو تے کئی ورقے نیں۔ اک ورقہ جس نوں، اوبہناں دی شخصیت دا ٹائٹل وی کہیا جاسکدا اے۔ اوہ شاعرہ والا اے۔ دو جھاورقہ پر تو گے تے تہا نوں اک وڈی صحافی ملے گی۔ ہور ورقہ پر تو گے تے اک ادیبہ دے نال ملو گے۔ اس توں اگلا ورقہ تہا نوں اک بھرپور سماجی شخصیت نال ملو دے گا۔

ایناں چند لمحیاں دی ملاقات مینوں دس گئی کہ محترمہ نوں ادب نال محبت نہیں بلکہ جنون اے۔ جنون جیہڑا کچھ کرن، لوکاں نوں جانن تے اپنا آپ منوان تے ابھار دے اے۔ ”گرلاٹ“ محترمہ دی دوجی کتاب اے۔ ایس تو پہلے اوہ اپنی پہلی کتاب ”زہر آشام“ دے نال تو شائع کروا چکی نیں۔

”گرلاٹ“ موجودہ دور کے دکھاں دا مرثیہ اے۔ شاعرہ اس کتاب وچ کتھے فضول رسماں، ریتاں، کتھے زمانے دی بے جسی تے، کسے غزل اچ لوکاں دے فضول شوقاں تے کسی تھان تے عورت دے دکھڑے بیان کر دیاں، گرلا پیندی اے۔

پُت جے تے متھے چمن

دھی جے تے قہر وے سائیاں

محترمہ نگس نور، سماج دی فضول رسماں تے ریتاں دا ذکر وڈے لکھیے، پردرد  
 بھرے انداز، لہجے تے لفظاں وچ کردیاں نیں۔ وئی، کاروکاری، غیرت دے ناں تے جی  
 بھین دا قتل، وٹے سٹے دی شادی ورگی عورت دی جان لین یا اوہنوں جیوندے جی مار  
 دین والی رسماں خورے کنے بنائیاں سن تے کدوں بنیاں سن۔ کچھڑا قانون تے قانون  
 دے کچھڑے را کھے ایناں نوں کد ختم کران گے۔ ساڈی اے سونہڑے لفظاں تے سوہنے  
 جذبیاں دی شاعرہ دُنیا دی بے ثباتی، جھوٹے فخر تے غرور، دُنیا دے عروج تے زوال دی  
 اوجھی گل وڈے سادہ انداز تے لفظاں اچ بیان کر جانیاں نیں۔

اُبھر کے ڈب جاندی اے  
 جس چھل نے اترانا ایں

مختصر گل اے وے کہ محترمہ نگس نور ہمہ جہتی شخصیت نیں۔ اوہناں دی کتاب دل  
 دے سچے جذبیاں، دل دی سچی گلاں، عورت دے دکھ، جھوٹی شان، فخر تے غرور، دُنیا دی  
 بے ثباتی تے لوکاں نوں دکھ دین والے فضول شوقاں تے مشتمل اک گُوک تے دل  
 توں نکلن والا ہوا کاے۔

اخیر وچ محترمہ نگس نور خوبصورت ہستی، خوبصورت لفظ لکھن والی شخصیت لئی سرائیکی  
 اچ اک دُعا۔ ”ثلاثا تسال لکھدے رہو تے اسال پڑھدے رہوں۔“

محمد جمیل احمد ہاشمی (ملتان)

مصنف: ”پھر مسافر کو لوٹ آنا ہے“

زیر طبع: ”یادیں“ نثری مجموعہ

سابق D.O.C.O محکمہ لوکل گورنمنٹ منظر گرھ۔





## رسزاں

لڑکپن توں ای شاعری میرے نال نال وڈی ہوئی۔ تھوڑا لکھیا تے بوہتا پڑھیا  
نالے کنے وڈے نال سن جنہاں نال واسطہ رہیا۔ جن کولوں سکھن تے سمجھن دا موقع ملیا۔  
جنگ بوہت سارے کھڈاریاں وچوں سوہنا کھینڈن والا والا دکھرا نظر آجاںدا  
اے۔ ایسے طراں بہت سارے لکھاریاں وچوں چنگا لکھن والا وی اپنی دکھری تے اپی تھال  
تے کھلوتا نظر آجاںدا اے۔ پنجابی تے ہے وی ایڈی کھلی ڈلی زبان اے کہ ایدے وچ لہجے دا  
تکلف تے بدلیاں ہو یاں سدھراں آرام نال ہس کھینڈ لیندیاں نیں۔ ایس دے وچ  
ایسے ذائقے نیں کہ پاویں افسانہ ہوئے۔ کہانی ہووے یا فیر شاعری پنجابی پڑھن والے  
تڑکے تک دا خیال رکھدے نیں۔ پرنز گس نور ایک نویگی تے مٹھی شاعرہ اے۔  
جنہوں پنجابی زبان چہ اپنے تو پہلوں ہو گزرے وڈے شاعران دی پگ دا پورا  
دھیان اے۔ نویں شاعران دا سب تو وڈا مسئلہ پنجابی وچ تیزی نال آون والے لفظاں توں  
بچ کے لکھنا ہوند اے۔ پرنز گس نور او ناں نوں وی نال لے کے ٹر دی اے۔

بے قدراں نوں قدرنتیں آوندی  
اکھال دے دریا مک جان دے  
میرے لئی ہر پاسے جھڑکاں  
تیرے لئی سب لاء مک جان دے

پنجابی زبان دی کھلاڈھلا ویہڑہ تے ایس دا شرماں والا ماحول تے کڑیاں دا  
نیویں اکھیں گل کرنا۔ اے اک ایسا امتحان اے جیہڑا ہر پنجابی لکھن والی شاعرہ دے اگے  
آوند آے۔ چنانچہ رمزاں تے سمجھاں نال کیتی ہوئی گل اپنا وکھرا ای اثر وکھاندی اے۔  
تے اے روائت نرگس نور دی شاعری چہ تھال تھال نظر آن دی اے او جدوں وی عورت دے  
حقوق تے اوحدی حیثیت دی گل کر دی اے، اودھے شعراں وچوں تہذیب، ادب تے  
پنجابی مانواں دی جنگی تربیت دا پتہ چلدا اے۔ او اپنے روائتی مٹھے سہاناں کہندی اے

جو وی ریت بنائی گئی اے  
عورت ای ازمائی گئی اے  
زن تے زر دے رولے اندر  
قبراں تیک لڑائی گئی اے

آپاں دونویں کدوں ملے ساں ؟  
جھوٹی خبر اڑائی گئی اے  
ناں میں ہیر تے نال تو رانجھا  
اینویں کھیڈ رچائی گئی اے  
مینوں پسلی وچوں کڈھ کے  
تیری شان ودھائی گئی اے

نوے لکھن والیاں چوں زگس ایس لئی وی دکھری تے چسنگی لگدی اے کہ نہ او  
 رواں تال نوں توڑدی اے تے نہ ای عورت دی برابری تے سمجھوتہ کردی اے۔ او محبت چہ  
 وی برابری دی عزت دی دعویدار اے۔ او عورت نوں چنی تھلے سرچک کے جیون دا ول  
 دس دی اے۔

دن ہو جاندا سال برابر  
 ہجر نہ دیویں وال برابر  
 کھٹ پرائی سوہنی لگدی  
 گھر دی مرغی دال برابر  
 تیرا مان وداواں گی میں  
 جے توں رکھیں نال برابر  
 دونویں ہندے دل دے ٹوٹے  
 دھی پتر نوں پال برابر

عموماً دیکھیا اے کہ نویں شاعر محبت دی شاعری کرن لگیا۔ ہٹل تے رواجاں نوں  
 نظر انداز کر دیندے نیں تے ایس وجہ نال اک لطیف رشتہ کال چسڑی دی کہانی لگن لگ  
 پندیا اے۔ لیکن ولیاں تے صوفیا کرام نے ایسے جذبے دا سہارا لے کے انسانیت تے  
 محبت دی اوفصل پیچی کہ اج وی پنجابی زبان پاویں کسے وی خطہ چہ ہووے بولن سمجھن والا  
 ماں جایی لگن لگ پندیا اے۔ سوہنی مہینوال دے قصے نوں جدوی کسے نوں لکھتے تے سچے شاعر  
 نے ہتھ پایا اوہنے ہمیشہ پرانے رنگ چہ نواں اثر دتا اے۔ زگس نوں کہوں پچھی رہندی

چل۔ میں ہار جانی آں  
 محبت سار جانی آں  
 توں اس پار وسدا رہ

تے میں اس پار جانی آں  
سہسراں ڈوب دینی آں  
عشق نوں تار جانی آں

رنگ برنگے موسماں، تے رشتیاں نال بھریا ہو یا پنجاب، تے پنج پانیاں دے  
کنارے وں والے لوکاں دے وکھرے وکھرے مزاج۔ شاعران لئی ایس دھرتی تے کہن  
نوں بہت کجھ اے پر شرط اے وا کے اور محسوس کرن والا دل تے دکھ نوں دلا سہ بنان والی  
روح دامالک ہووے۔ میں نرگس نور دی فنی مہارتاں تے گل نہیں کیتی، کیونکہ اے پیٹڈ او  
بہت پیچھے چھڈ آئی اے۔ ہن تے اوجیہڑی گل کر دی اے۔ او اپنی اپنی لگدی اے۔ نرگس  
نور دی شاعری پنجاب ونگری مہمان نواز اے۔ راہ وچ بہہ کے راہ دسن والی۔

عشق دے پرلے پار نہ جیاویں  
جانا ای تے ہار نہ جیاویں  
سوچ کے دل دی کلی ڈھانویں  
جوڑ کے دل دے تار نہ جیاویں  
پرت کے اونا اوکھا ہو جائے  
ایساں حدوں پار نہ جیاویں  
جتھے مرشد دس نہ پاوے  
پکھیں اس دربار نہ جیاویں  
صداقت علی ناز

سینئر صحافی، کامونکے (گجرانوالہ)



## نرگس نوردی شاعری

شاعر بڑی حساس طبیعت داما لک ہوندا اے۔ جو سماج دے دکھ محسوس کردا اے۔ جدوں بندہ سماج دے دکھ اپنے اندر محسوس کردا اے تے فیر سماج دا دکھ وی اوہدا اپنا ای دکھ بن جاندا اے دکھاں دی انتہا سچی شاعری دی ابتدا بن جاندا اے تے ”گرلاٹ“ شعراں نال بھر جاندا اے نیں

اسے لئے ”نرگس نور“ نے دل دے ورقیاں تے اپنے دل دیاں گلاں بڑی سچائی تے سادگی نال لکھیاں نے۔ میری اپنی ایہہ سوچ اے کہ شاعری دی اصل خوبی اوہدی سچائی ہوندا اے ”گرلاٹ“ پڑھ کے معلوم ہوندا اے کہ ”نرگس نور“ نے اپنی روح دی سرگوشی نوں سن لیا اے تے اوہ روح جسم تے کائنات دے باہمی ربط دی کھوج اچ مصروف نے بڑی سادہ تے سلیس زبان اچ عشق مجازی عشق حقیقی عورت دے حقوق تے سماج اچ ہون والیاں نا انصافیاں دا ذکر کیتا اے۔ ”نرگس نور“ دی شاعری اوہدے سچے جذبات دی عکاسی اے۔ اللہ پاک علم تے عمر اچ مزید برکت عطا فرمائے۔ (آمین)

اے ایم انوار

(بانی ادبی تنظیم بزم انوار سخن پاکستان)



## زگس نوردی شاعری

محترمہ زگس نور صاحبہ دے نال پہلی ملاقات دیا پاپو ”رشام امبر“ دے نال توں ہون والے مشاعرہ وچ ہوئی ”شام امبر“ نال دی تجویز میری سی جس نوں عمران جیلٹی نے وی سراپا تے ہمہ تن ایس نوں ہی فائنل نال دتا۔ جس دی صدارت جاوید عاف کیتی تے اوکاڑا دی شاعری داوڈ انام فضل احمد خسر، وحشت لودھی تے سرور جاوی ہوراں وی شرکت کیتی۔ سلیقہ نفاست احترام تے شفقت نال بھریا بہناں ورگا رکھھاؤ، زگس نوردی پکی عادت اے ترویج ادب پاکستان دے چھتر چھاویں جمیل ہاشمی دی بختاب ”پھر مسافر کو لوٹ آنا ہے“ دی تقریب رونمائی دی صدارت پروفیسر احمد ساقی صاحب نے کیتی۔ محترمہ وی مشاعرہ وچ شرکت کرن لئی اوکاڑہ تشریف آوری ہوئی تے ملک دے نامور شعراء کرام ڈاکٹر فخر عباس، وسیم عباس، جمیل ہاشمی، اجمل ناموش، عامر شہزاد صدیقی پی ٹی وی، میر سٹروسیم ممتاز ناصر پی ٹی وی، میجر اعظم کمال تے دیگر معزز مہماناں دے نال میرے گھر تشریف آوری ہوئی تے میری اماں، میری گھر والی تے دھی رانی دے نال احترام تے دھی بھین والے تعلق بنا کے گچی جیہڑا ہالے تائیں قائم اے تے رہوے گا۔۔۔

زگس نور ہوراں بڑے تھوڑے ویلے وچ اپنی ادبی شعری اڈاری پورے بیچ نال پوری محنت نال ماری اے جیدے وچ اوہنے بڑی باریک تے گجھواں گلاں نوں عام جتنے مصریاں اندراج پرویا اے جیویں انجیر دے بوٹے توں بھربھ کے سوہنیاں پکیاں انجیراں ریشمی تے تھکڑے دھاگے وچ پرویاں جاندیاں نیں یا فیر سنیاں راسونے دیاں سنکھیاں

والیاں دے تھلڑی لڑیاں وچ باریک تے چنواں موتی بڑی چچ نال لاند اے وئی ناں  
 موتی ودھ تے ناں ای موتی گھٹ۔ زنگس نور دھیمے جینے لہجے وچ بوہتی شاعرانہ طرز بناویں بنا  
 ای اپنی گل سنن والے تک پچاندی اے پر اوہدے مضمون اوہدے موضوع وچ جو  
 ڈونگھیاٹی ہوندی اے سنن والے نوں متوجہ ہی نہیں کردی نالے دادوی پوری کڈوالیددی  
 اے۔ اوہدی محنت اوہدے کلام وچ دس دی اے جیویں کنک دیاں پکیاں سٹیاں وچ کنک  
 دے دانے دس پیندے نیں یا گھوگی دی سوہنی تے من موہنی آواز بھانویں کول بیٹھ کے  
 بولدی ہووے پر لگد اے وئی کوئی سریلی گائیک تے الہڑ مٹیار پالے دیاں شامل ویلے  
 اپنی موج وچ جیہہ کے سارے جگ توں بے خبری وچ اپنے محبوب نوں آواز دیسن دی  
 ہووے تے اوہ وی ہو لے ہو لے۔

زنگس نور ہوراں نے اے پینڈا بڑی پھیلیتی تے بڑے حوصلے نال طے کیتا اے پر  
 اوہدے سفر دی ایہہ پہلی منزل تے ہو سکدی اے پر اوہدی اڈار پئی دس دی اے وئی اوہدا  
 سفر ہالے شروع ہو یا اے جیہہ منزل منزل راہواں راہواں بنیاں تے ہریاں بھریاں  
 کھیتاں وچوں چسلا ہو یا دل تے جزبات دی کئی پرتاں کھولدا اے۔ کتے اوہنے ہجر دے  
 بالن نوں اک لائی اے تے کتے اپنے اندر دی ہوک نوں لفظاں دا احرام بنھ چھڈیا کتے  
 اوہنے سدھراں نوں چمکدا اکفن پوایا اے تے کنیاں تھواں تے ملن دی گھڑی نوں شگنناں دا  
 سوبا جوڑا پودا تا اوہ گل وچوں گل تے کیفیات دے وچوں کرب محبت عشق وچھوڑا دا وفا جفا  
 احترام تے ہو کئی جزبیاں نوں لفظاں دے سوہنے جوڑے پواندی اے تے لوڑ پین تے  
 جبر نوں تے جابر نوں وچ بازارے شرمندہ کر کے بے وقعت کر چھڈ دی اے۔  
 کجھ اشعار تہاڈی ادب شناسی دی نظر۔۔۔۔۔

میں اک واری فرل جانا  
 تینوں فیروہ نئیں ہونی

ویر نے حکم سنا دتا اے  
دل دی گل سنا نتیں ہونی

میں بدلاں وچ اڈی اڈی جانی آں  
اوہدے ولوں جدوں اشارے ہوندے نیں

جتھے یار دی مرضی ہووے  
اوتھے مٹی رولدا کیوں نتیں

مینوں ہور سزا کی دینی  
نین پیاسے چھڈ دے میرے

اک لوکاں دے طعنے ڈنگن  
اتوں بے پرواہی ڈنگے

مولا کریم ساڈے وچکار بھین بھرا دے رشتے وچ ہمیش برکت پاوے تے زنگس  
نور دے قلم نوں ہو رنورانی روشنائی دیوے۔۔

شکیل احمد شکیل

(جنرل سیکرٹری ترویج ادب پاکستان)





## پیش لفظ

میرا نام نرگس نور اے تے کشمیر دی وادی اچ اکھکھولی تے اپنے امی ابو نال  
لے پینڈے کردی ہوئی پنجاب دے شہر لاہور اچ ڈیرہ لایا تے اتھوں دی ہوگئی میں اپنے  
دل دے ورقیاں دیاں کجھ سٹراں ایس کتاب تے اکھراں دی صورت اتاریاں نیں  
میرے دل دے ورقے سمندر توں وی کدھرے ڈونگے نیں میں نہ تے پنجابی پڑھی نہ ای  
لیہدے بولن تے مینوں عبور حاصل اے پر پتہ نہیں کیوں میرا پنجابی نال اینا گوڑھا  
تعلق بن گیا انج جا پدا اے جیویں میرا تے پنجابی دارو حانی رشتہ اے پنجابی مینوں اپنے  
ول کچھ دی اے تے اپنے احساسات نوں پنجابی وچ میں بڑے ودھیا انداز وچ ڈھال  
لینی آں جھڑی گل میں اردو یا انگلش اچ کھل کے بیان نہیں کر سکی اوہ پنجابی اچ چسکی  
طرح کر لینی آں چونکہ میری پہلی کتاب اے پنجابی وچ ایس لئی جے کوئی اوچ نیچ ہوگئی  
ہو وے تے نظر انداز کر دینا بندہ ہولی ہولی سکھدا اے یک مشیت تے کوئی وی استاد یا چنگا  
لکھاری نہیں بن جاندا میں جد عورت دے ہر روپ تے پائی تے پتہ لگیا کہ ساڈے دکھ

ساڈے ہاے ساڈے اکلا پے سبھ اکو جہے نیں۔

محبناں تے سفنیاں دے رنگ سبھ دے سانجھے نیں عورت ہر روپ وچ  
وچاری ہی رہی میں عورت دے دکھاں وچ جھاتی ماری تے اپنے اکھراں اچ بیان کرن  
دی کوشش کیتی اے پنجابی ساڈی ماں بولی اے تے ساڈا امان اے  
خورے ایہہ اکھر میری جھولی چہ ہیریاں وانگوں کتھوں پے گئے میں تے دھنوان  
ہو گئی میرے استاد ہوراں تے میرے اباجی ہوراں نے میرا امان ودھایا تے میں دل دے  
ورقیاں نوں کتاب دے ورقیاں تے بھر دتا میرے کلام بارے اپنے خیالات دا اظہار  
کرن تے اپنے وڈیاں دی دھن واد آں جہناں اپنی رائے دے کے مسیرا ہورمان  
ودھایا ڈھیر ساریاں دعاواں دے نال دھن واد کرنی آں سبھ دا میں امید کرنی آں میرے  
اکھراں دی باشا اپنے چانن چار چغیرے ونڈ دی رہوے گی تے کجھ نہ کجھ اپنے ونڈے دا  
دکھ ونڈ دی ہوئی لمپیٹا کرے گی تے ورہیاں تیکر تہاڈے دلاں تے راج کرے گی  
ایس امید تے دعا نال اجازت چاہنی آں۔

سبھ دی دھن واد

نرگس نور





انبراں دے چن تارے سوچاں  
جد وی تیرے بارے سوچاں  
تیرے نال کھلو جاواں تے  
سورج دے لشکارے سوچاں  
میں وی کنی کملی ہو گئی  
چھلاں بیٹھ کنارے سوچاں

جد میں رہنا اے تریانی  
فر کیوں مٹھے کھارے سوچاں  
توں تے بازی کھیڈ گیا ایں  
میں کمیہ دس ہن چارے سوچاں  
دُکھاں گھیرا گھت لیا اے  
کنج بچن دے بارے سوچاں





چل میں ہار جانی آں  
اندر مار جانی آں

توں اس پار وسارہ  
میں اس پار جانی آں

اپنا حق نتیں لے سکی  
تینوں چار جانی آں؟

سدھراں ڈوب دینی آں  
عشق نوں تار جانی آں

مہرشد خیر پاوے گا  
اج دربار جانی آں





ہن تے آکے ٹھہروے سائیاں  
دل دے اجڑے شہروے سائیاں  
چھیتی آجا سہراں والی  
سکناں جاوے نہروے سائیاں  
گھردے راکھے چور ہوون تے  
ٹٹ دا اے فرقہروے سائیاں

اوہ کلا نتیں جھلا ہويا  
میں وی پیتے زہر وے سائیاں  
ٹٹ کے سفنہ اکھ وچ چھب دے  
راتیں پچھلے پھر وے سائیاں  
پت جمے تے متھے چمن  
دھی جمے تے قہر وے سائیاں





دن ہو جاندا سال برابر

ہجبر نہ دیویں وال برابر

کھٹ پرانی سوہنی لگدی

گھسردی مسرخی دال برابر

تیرا مان و دھسا دیواں گی

جے توں رکھیں نال برابر



دونویں ہندے دل دے ٹوٹے  
دھی پستر نوں پال برابر  
منزل تیکر جانا ای تے  
ٹڑ سوئی دی چال برابر  
میں کلی نہیں ہاری ساں جی  
دونواں دا سی حال برابر





دل عقل نوں ٹالی جاندا  
دکھ سدا لئی پالی جاندا

اک اولی پیڑ ہے اٹھدی  
پل وی نتیں بے خالی جاندا

جاگو میٹھی سفنے ویکھاں  
نتیں انداز خیالی جاندا

ایسا سوچاں دے وچ وسیا  
نئیں اوہ یار مشالی جاندا  
کسے دے عیب اچھالن والا  
اپنا آپ اچھالی جاندا  
عشق نئیں چھڈ دا کجھ وی پئے  
لے اوہ روپ دی لالی جاندا





جو وی ریت بنائی گئی اے  
عورت ای ازمانی گئی اے

زن تے زردے رولے اندر  
قبراں تیک لڑائی گئی اے

آپاں دونویں کدوں ملے سی  
جھوٹی خبر اڑائی گئی اے

نال میں ہیرتے نال توں رانجھا  
ایویں کھیڈ رچائی گئی اے

مینوں پسلی وچوں کڈھ کے  
تیسری شان ودھائی گئی اے

کھنہ پھسل مٹی وچ رول کے  
تیری رات سبجائی گئی اے

میرے چاہ لہو وچ رنگ کے  
مینوں مہندی لائی گئی اے

ویرا کہندا آ جاویں اج  
اج تیری بھر جائی گئی اے

نور وفا دی مٹی لے کے  
عورت فیر بنائی گئی اے





سُن بلی اک گل تے دس  
یار منان دا ول تے دس

جیون کتنا اوکھا اے  
اس جیون دا حل تے دس

کاسہ پھڑن دی لوڑ نتیں  
یار دا بوہا مل تے دس

بلھے وانگوں نچ کے ویکھ  
ناں ہووے جل تھل تے دس

مسرشد باجھوں کجھ وی نہیں  
بن جاوے جے گل تے دس

عشق دی منزل لبھنا ایں  
عشق دے رستے چل تے دس





ناں اوہ لوکی نال اوہ چاہواں  
نال اوہ دھپال نال اوہ چھاواں

مر جایی تے روندی دنیا  
جیوندی جانے ہوکے باواں

ماس نوہاں توں وکھنیں ہوندا  
جی نتیں سکدے باجھ بھراواں

اکھ توں اولے تے پردیسی  
ٹور کے پتر روندیاں ماواں

کھٹ لے نورَ حیاقی اندر  
فرنیں مہلت دینی ساہواں







دل دے دل تک راہ مک جانے  
جد سداں تے چاہ مک جانے

بے قدرانوں قدر نتیں آندی  
اکھاں دے دریا مک جانے

میرے صبر دی حد نتیں مک دی  
اس دے سارے داء مک جانے

جس دن ساہ دی ڈوری ٹٹ دی  
اس دن سارے پھاہ مک جانے

مکدے نتیں عمران دے جھہڑے  
نور بندے دے ساہ مک جانے





عشق دے پر لے پار نہ جاویں  
بانا ای تے ہار نہ جاویں

تیری دید حیاتِ میری  
سجنا مینوں مار نہ جاویں

سوچ کے دل دی کلی ڈھاویں  
جوڑ کے دل دے تار نہ جاویں

پرت کے آنا اوکھا ہو جائے  
ایساں حدوں باہر نہ جاویں  
جھڑے جان توں پیارا کھن  
چھڑ کے ایسے یار نہ جاویں  
جتھے مرشد دس نہ پاوے  
ویکھیں اس دربار نہ جاویں





بن کے اکھ دی لالی رہ گئے  
سفنے خواب خیال رہ گئے

کھڑوے پھل وپاری لے گئے  
ہتھ ملدے سبھ مالی رہ گئے

کچھ فقیراں بھرنے کا سہ  
کچھ تے لجاں پالی رہ گئے

مر کے توڑ نبھا دیں دے سی  
اوہ نتیں یار مثالی رہ گئے

کنیاں ڈٹھے یار دے جلوے  
کئی ارمان سنبھالی رہ گئے

مانن یاراں نال بہاراں  
اونتیں پیل ٹاہلی رہ گئے

سچے عاشق بازی لے گئے  
دل دے چور سوا لی رہ گئے

لکھ لکھ نور کتا باں بھسریاں  
دل دے ورقے خالی رہ گئے





اجل تیری چاچی چنگی لگدی اے  
جیویں چیز گواچی چنگی لگدی اے  
باہروں پان سپاری کھا کے ویکھ لئے  
ہن بس گھر دی لاچی چنگی لگدی اے  
اپنے گھروچ ہرنی پھر دی چچی نہیں  
ہوردے گھر دی ڈاچی چنگی لگدی اے  
ہانڈی تھلے پوچھا چنگا لگدا اے  
پھٹی اتے گاچی چنگی لگدی اے





جیہدا بھانڈا بھر جاندا اے  
ہسدا ہسدا گھر جاندا اے

پیرال دے وچ بہندا ہويا  
بڈھاکي مر جاندا اے

گھر دے نقشے کچھدا کچھدا  
پالے اندر ٹھہر جاندا اے

دھی دے سوتے جوڑے خاطر  
بابل بازی ہر جاندا اے

نور جو ماپے رانی رکھدا  
دو جگ اندر تر جاندا اے





میں اک واری فرل جانا  
تینوں فر پرواہ نئیں ہونی

اکھاں بن کے ٹورے بابل  
زہر ویکھ کے کھا نئیں ہونی

ہتھوی میرے بٹے ہوئے نیں  
اچی پسنگ چڑھا نئیں ہونی

ویر نے حکم سنا دتا اے  
دل دی گل سنا نئیں ہونی

ہور کسے دے ناں دی مہندی  
ہتھاں اتے لا نئیں ہونی







ہر پاسے ای بھر دے مارے ہندے نیں  
امبراں تے وی ٹٹے تارے ہندے نیں

میں بدلاں وچ اڈی اڈی جانی آں  
اودے ولوں جدوں اشارے ہندے نیں

عشق دی بیڑی پھلاں دے وچ رہندی اے  
اس بیڑی دے دور کنارے ہندے نیں

جیہڑے دھپاں دے وچ چھاواں بن جاندا  
اوہ ہی سچن جان توں پیارے ہندے نیں

نورِ عشق نے جتھوں پانی بھریا نہیں  
اس کھوئی دے پانی کھارے ہندے نیں





مٹھی بولی بولدا کیوں نتیں  
اپنے آپ نو تولدا کیوں نتیں

باہسروں لبھدا پھسدا ایں  
دل دی کنڈی کھولدا کیوں نتیں

رب قران تے کعبہ اک اے  
توں فسا کو ڈھول دا کیوں نتیں

جتھے یار دی مرضی ہوے  
اوتھے مٹی رولدا کیوں نتیں

ٹکراں ماری جانا ایں  
دل دی کنڈی کھولدا کیوں نتیں





صدقے وچ جو واری گئی آں  
اس لئی میں اتاری گئی آں  
میں نفرت دی کھری اتے  
ڈنگراں وانگوں چاری گئی آں  
سنیاسی اک ہیراواں میں  
جووے دے وچ ہاری گئی آں  
رسمیں تھلے دبی گئی آں  
لج دی خاطر ماری گئی آں  
ہنجواں دے ہڑڈک کے زگس  
ہس کے بت ساری گئی آں





اپنے قول نبھائے نے میں گلاں دی پرواہ نہیں کیتی  
کچیاں گھڑیاں اتے تر گئی چھلاں دی پرواہ نہیں کیتی

پیار دے ڈھنگ بدل دتے نے اج دے آدم زادے نے  
کھڑن توں پہلاں پھل اجاڑے ولّاں دی پرواہ نہیں کیتی

جہناں عشق دا چولا پایا پیار دا رنگ اوہناں تے آیا  
اگاں دے وچ سڑ گئے عاشق کھلاں دی پرواہ نہیں کیتی





جنت جہنمی تصویر دے ہو کے  
سن میرے کشمیر دے ہو کے

اکھاں ساویں حرمت لٹ دی  
بے بس ہوئے ویر دے ہو کے

لہو دا رنگ ای بدل گیا اے  
ہر پاسے جاگیر دے ہو کے

جس نوں رانجھے لٹ لیا اے  
سن کدی اس ہیر دے ہو کے

جیہڑے ویراں ہتھوں و جدے  
مردے نتیں اس تیر دے ہو کے

گدی لینی سوکھی نتیں جے  
رب تک جاندے پیر دے ہو کے

جس تن لگدی نورّ اوہ جانے  
دل نوں کیویں چیر دے ہو کے





کدی نیانے بھلدے ویکھے؟  
سدا سیانے بھلدے ویکھے

جیبوں خالی ہو کے اکشر  
ساک پرانے بھلدے ویکھے

جدوی اکھال چارنیں ہوئیاں  
راہ دیوانے بھلدے ویکھے

شمع روشن ہوندى گئی تے  
کئی پروانے بھلدے ویکھے

ہوراں دے راہ ڈکن والے  
آپ ٹھکانے بھلدے ویکھے

اج کل دے مہینوال تے رانجھے  
سب مسرجانے بھلدے ویکھے

نہ کر وعدے عمراں والے  
بڑے دیوانے بھلدے ویکھے

بہتیاں عقلاں والے نرگس  
بڑے سیانے بھلدے ویکھے







اک دو پاسے چھڈ دے میرے  
کچھ تے پاسے چھڈ دے میرے  
تیرا تے کوئی قبلہ نہیں اے  
جا غلامے چھڈ دے میرے  
جد توں میرا نہیں ہونا تے  
تو لے ماسے چھڈ دے میرے  
لبھ لیا دکھ سارے جگ دے  
چارے پاسے چھڈ دے میرے  
مینوں ہور سزا کیہہ دینی  
نین پیاسے چھڈ دے میرے





ہن تے جھڑے پاسے ویکھاں  
گم صم ہوئے ہاسے ویکھاں

ماں وی سینے لان توں ڈر دی  
کس دے کول دلا سے ویکھاں

ساریاں زبراں زیریں ہوئیاں  
تولے ہوئے ماسے ویکھاں

اکھیاں دے وچ ڈونگے اتھرو  
زلفاں تیک مڑا سے ویکھاں

اک دو جے دی دیدنوں ترن  
بھدے نین پیاسے ویکھاں

بس کر مولا بس ہو گئی اے  
رل گئے اچھے خاصے ویکھاں

پادے عیباں اتے پردے  
اپنے کج خلاصے ویکھاں





سُٹیکن لئی در نہ ہووے  
ایڈاوی بے گھر نہ ہووے

دل دے واسی چور ہوون تے  
جی نہ ہووے مسر نہ ہووے

فسیر اوہ رتال موڑ دے ربا  
دل وچ کوئی ڈر نہ ہووے

رل حیاتی جاوے اس دی  
جس دے ہان دا برنہ ہووے

اپنا اندر کالک بھریا  
میرا پاسہ جبرنہ ہووے

اوس وچاری کیہہ اڈنا اے  
جس دا اک وی پرنہ ہووے

جس نے وسدی جھوک اجاڑی  
اس دا بھانڈا بھرنہ ہووے

اپنے لئی وی جینا اوکھا  
تیرے لئی ہن مسرنہ ہووے





اکھتوں اولے سارے ہوئے

امبراں دے چن تارے ہوئے

دھی اک نکرے بہہ کے روئی

بابل گھر بٹوارے ہوئے

تیری فطرت جان گئی ساں

میرے تول نہ چارے ہوئے

تیرا پانی وی مٹھا اے

ساڈے شہد وی کھارے ہوئے

ہر واری میں دھوکہ کھا دا

کئی واری کارے ہوئے

دل دیاں گلیاں سنجیاں ہوئیاں

جد دے پنڈ چو بارے ہوئے

ہر اک بازی تیری ہوئی

میرے نال ہی لارے ہوئے

دس دے مولا کتھے جاوے

جو لیکھاں دے مارے ہوئے

دکھ دریا وچ ڈب نتیں سکدے

جو مرشد دے تارے ہوئے

میں کلی پر میلے اندر  
اکو پاسے سارے ہوئے

میرے چاواں دا کی رونا  
سب تیرے تول وارے ہوئے

جدوی تیرے نال کھلوتی  
سورج دے لشکارے ہوئے

میں پسلی چوں نکلی آں تے  
تیرے پلے بھارے ہوئے

تول ازلاں تول سردا سائیں  
میرے چاہ و نگارے ہوئے

میں انھی تے بولی ہوئی  
تیرے رنگ نکھارے ہوئے







اوہدی یاد اچ رويا کر  
دل دی کالک دھویا کر

لڑ الفت دی ٹٹے ناں  
ہنجواں نال پرویا کر

لوکاں دا ناں ہاسہ بن  
ہس کے دکھ لکویا کر

اپنے دل دے مارے دکھ  
اپنے اگے جھویا کر

گھٹ صبر داہس کے پی  
حق نہ یار دا کھویا کر

عملاں والی لوئی نوں  
شرماں وچ ڈبویا کر





پل پل تے اترانا ایس  
کس گل تے اترانا ایس

ابھر کے فرڈب جاندی  
جس چھل تے اترانا ایس

اک دن مٹی ہو جانا  
جس کھل تے اترانا ایس

کل خورے آوے کے ناں  
توں کل تے اترانا ایس

آخر اک دن سڑ جاندی  
جس پھل تے اترانا ایس





اج کل لوکی چاہنئیں کردے  
ساکاں دی پرواہ نئیں کردے

چنگا شعر سنائیے کہنوں  
سندے نیں پرواہ نئیں کردے

اوہ ناں رکھدے پیاراچ شرمٹاں  
اسی وی دکھرے راہ نئیں کردے

جس دی خاطر رلدے پئے آں  
اوہ ساڈی پرواہ نتیں کردے

تیرے باہجوں چلدے رهن  
هن منظور اے ساہ نتیں کردے

من تے قسمت دکھیا اے  
جھگڑے نال خدا نتیں کردے





ناگن وانگ جدائی ڈنگے  
اتوں ایہ تہائی ڈنگے

اک لوکاں دے طعنے ڈنگن  
تیسری بے پروائی ڈنگے

رت تریائی اڈا بدل  
موسم دی ہرجائی ڈنگے

چم چم گلاں تیرا پچھدی  
پڑے دی اے پروائی ڈنگے

چمھدے رنگ بستی مینوں  
جو بن دی انگڑائی ڈنگے

اوہدے باہجوں چوڑی مہندی  
زرگس ہر شہنائی ڈنگے





کیتی گل انجبانے وچ

بدلی اے افسانے وچ

شمع نال ہی مسر جاندا

خوبی اے پروانے وچ

ویکھن والا ڈب جاندا

اکھاں دے میخانے وچ

دکھاں دی نتیں ہو رجبگہ

صبر ال دے پیمانے وچ

لوکی عقلاں لبھدے نیں

اک جھلے مستانے وچ







کیمہ اے دل دریاواں دے وچ  
اڈے سوچ ہواواں دے وچ  
عرشاں تیکر اک ننیں اپڑی  
ننیں سی اثر دعاواں دے وچ  
میرے ہنجاواں دے وچ تر دا  
ڈب ناں جاوے ہاواں دے وچ

پھل سوکھے ننیں کھڑ دے باغیں

زور ننیں رہندا باہواں دے وچ

ماپے چھڈ کے جاون والے

رل جاندے نیں راہواں دے وچ

ایا رولا زر نے پایا

پئی اے پھٹ بھسراواں دے وچ

سوہنیا رکھ سلامت سرتے

سکھ ہے جہناں چھاواں دے وچ

مولا ہن اے قہر مکا دے

اڑ گئی ہوش ہواواں دے وچ





چن ساڈے ول ٹوروے سائیاں  
پہلیاں عیداں موڑوے سائیاں  
کھلر گئی اے پیار دی تانی  
چھلٹی تندال جوڑوے سائیاں  
دکھ ہن وسوں باہر ہوئے نین  
تیری اے ہن لوڑوے سائیاں  
سخت و باواں گھیر لیا اے  
اس دھرتی ول بوڑوے سائیاں





بھاویں پورے بھارتے آوے  
اندر دا دکھ باہر تے آوے

سوہنا سینے لا لیدنا اے  
اپنی میں نوں مار تے آوے

اوڑک اپنے بوہے آنا  
میں دا ڈنگر چارتے آوے

چار چنیرے پھل ویکھاں گی

دھرتی اتے یار تے آوے

اکھر زہراں نہیں تھکن گے

میرے حصے پیار تے آوے

مرشد سینے لا لینا اے

پہلے سب کچھ ہار تے آوے

تیری بیڑی تر جاوے گی

پچلے کھاتے تار تے آوے

میں وی دل دی سچ وچھاواں

میرے بوہے یار تے آوے





نین کتے وی ڈلھ سکدے نین  
راہی رستہ بھل سکدے نین

ہنجواں دا ساون برسا دے  
بند بوہے وی کھل سکدے نین

اپنے اندر وی جھاتی پا  
تیرے عیب وی دھل سکدے نین

دھیاں راج وی کر دیاں ہوون  
ماپے وی کوئی بھل سکدے نین





کیہ کج میرے نال نہیں ہويا  
فر وی مندا حال نہیں ہويا

کنیاں عیداں آتیاں گتیاں  
میرے لئی وصال نہیں ہويا

چٹی چاندی سرتے آ گئی  
تیرا ہالے سال نہیں ہويا

دھیے تُولے آئے سی جو  
چنگا مندا بھال نہیں ہويا

نفسرت دی او ہنیری چلی  
اک وی دیوا بال نہیں ہويا

اوہنے جبریا نہیں سی کیتی  
میرے توں ای ٹال نہیں ہويا

بوٹی بوٹی چوغا کیتی  
عشق تیرا فر پال نہیں ہويا

جھڑا ہک تے لال کھڈایا  
اوہ وی اوڑک نال نہیں ہويا

میں قبریاں دی مٹی ہوئی  
تیرا ونگا وال نہیں ہويا







آوے میرے نال تے رووے  
ویکھے میرے حال تے رووے

ہجبر دیاں سولاں دے اتے  
اوہ وی کٹے سال تے رووے

بندہ اچا اڈ کے ہمدان  
ویلا بدلے چال تے رووے

ساری عمر کمائی کیتی  
کچھ نہ جاوے نال تے رووے  
دھی جسی تے زہراں تھکدا  
بھل کے سارے لال تے رووے  
او جد سرتے آن کے آکھے  
ہن آئی نوں ٹال تے رووے  
میں سارے دکھ بھل جاواں گی  
لگ کے سینے نال تے رووے





پیار دے پھل کھلا کے ملتے  
سارے دکھ و سار کے ملتے

کیہ بئی ماناں ورگا ملنا  
اپنی میں نوں مار کے ملتے

جتھے سجن جتنا ہوے  
اوتھے سب کچھ یار تے ملتے

عشق دی چھل وچ ڈب کے دونویں  
عشق دی بیڑی تار کے ملنے

ساہ نے جس دے دتے ہوئے  
اس دے اتوں وار کے ملنے

جت کے دونوں ہر جانا ای  
آ جا دونویں ہار کے ملنے





جان میری نول بھارے دکھ  
اندرو اندری مارے دکھ

جو وی سندا وا واہ کردا  
شاعر اینج سنوارے دکھ

میں وی دل دی قلم بنائی  
اکھراں وچ اتارے دکھ

سکھ دامینہ برسا کے سائیاں  
لے جا کرے سارے دکھ

چن ہروہڑے سجد اپھردا  
ویکھ رنیے نے تارے دکھ





کچیاں عمراں والے سفنے  
کون اکھاں توں ٹالے سفنے

دھندلے دسدے سارے لوکی  
لا دیندے نیں جالے سفنے

کوئی نوا جیا لارا لا  
سبھ دیکھے تے بھالے سفنے

چٹے دن وچ مار مکاندے  
کالی رات دے کالے سفنے

ڈب چلیا ساہنواں دا سورج  
ویکھ رہی ایں ہالے سفنے

اپنی رت چھنگا کے نرگس  
رب دی قسمے پالے سفنے





اکھر زہراں تکھ دے دیکھے  
جتھے روئے پکھ دے دیکھے

کدرے دھپاں، کدرے چھاواں  
کنے رنگ اک رکھ دے دیکھے

لج دی خاطر پگلاں والے  
کمیاں اگے جھک دے دیکھے

عشق دارنگ جہناں نوں چڑھیا  
گھس ویری دے ٹھکدے دیکھے

رت چنگھا کے پالے جہڑے  
ادھو ویری نکھ دے دیکھے







او جتیا میں ہاری سائیاں  
میں صدقے میں واری سائیاں

اوہ امبراں دا چپڑھدا سورج  
میں دکھاں دی ماری سائیاں

سہراں والے بوہے ڈھو کے  
رل جاندی اے ناری سائیاں

اک مٹی دی مورت گھڑ کے  
ڈنگراں وانگوں چاری سائیاں  
کدھرے سکھ دی تھیں لبھدی  
کھول دے دل دی باری سائیاں  
ککھوں ہولی جان ہے میری  
دکھیں جان تو بھاری سائیاں





دل دا حال سنا بیٹھی آں  
اپنی قدر گنوا بیٹھی آں

توں تے میرا ہونا ای نہیں  
ایںویں بس ازما بیٹھی آں

سر دی چنی لاہ کے اڑیا  
تیری پگ بنا بیٹھی آں

سوہنی، ہیر، زلیخاں وانگوں  
میں وی عشق رچا بیٹھی آں

ہُن ننیں تیرا ناں مٹ سکدا  
ساہنواں تے لکھوا بیٹھی آں

صاحبہ وانگوں تیرنیں توڑے  
آخِر دھوکہ کھا بیٹھی آں

دس کیویں بھل جاواں تینوں  
روح دے میل کرا بیٹھی آں

جو کرنا ایں کر جاسایاں  
تیرے سانویں آ بیٹھی آں





جھڑ گئے میرے وال فی مائے  
آ دکھاں نوں ٹال فی مائے

چار چفیرے سڀ تے ٹھوئیں  
ہندے نتیں ہن پال فی مائے

سردے اتے اگ دے سورج  
رکھ نہ کوئی نال فی مائے

ہنجواں نال ہی بھر گیا سارا  
شگنساں والا تھال فی مائے

دل دے ورقے ہتھیں ساڑ کے  
جوڑا پایا لال فی مائے





گُرلاٹ

سڑیاں زمتاں  
اجڑے کھیتز  
رُکھاں دی گُرلاٹ۔۔۔!  
چارے پاسے نس رہی اے  
بُھکھاں دی گُرلاٹ۔۔۔!  
ایہو سوچ کے لکھ رہی آں  
شعراں دے وچ درد  
اک دن انبراں تک جانی اے  
دکھاں دی گُرلاٹ۔۔۔!





بے ترتیبی کر جانا ایس۔۔۔۔!

سُفنے وچ وی آجاویں تے  
پھٹ جگر دے بھر جانا ایس۔۔۔۔  
بے ترتیبی کر جانا ایس۔۔۔۔

مینوں میری تھیں توں چک کے  
ایتھے او تھے دھر جانا ایس  
بے ترتیبی کر جانا ایس۔۔۔۔

کئی وار میں تینوں دسیا  
دل میرا اے بالال ورگا  
گل گل تے رو پیسند اے  
پرتوں ایسراں کیوں کرنا ایس  
سون بھادوں دے بدلاں وانگوں  
اک دم جی کے مسر جانا ایس  
بے ترتیبی کر جانا ایس -----

دل نوں میں سمجھایا وی اے  
بے قدرے نوں لاہ دے مگروں  
کسراں پیڑاں پیڑدا ایس تے  
کسراں ہس کے جسر جانا ایس  
بے ترتیبی کر جانا ایس -----







رہا۔۔۔۔۔!

”بامینوں گڈی دے دے“  
چھوٹی بھاسویں وڈی دے دے  
”بامینوں گڈی دے دے“  
بد مشاعرے جانی آں  
بس تے دھکے کھانی آں  
اتوں لیٹ ہو جانی آں  
تیرے ترے پانی آں

بھساویں سیرن کڈھی دے دے  
 ”بامینوں گڈی دے دے“  
 اج شریکاں بولی ماری  
 شاعرہ ہے جی اک وچاری  
 لبھدی رہندی رکش لاری  
 جیویں ٹچپراک سرکاری  
 دشمن دے منہ ہڈی دے دے  
 ”بامینوں گڈی دے دے“  
 ناں میں باغ حویلی منگ دی  
 ناں کوئی پھل چنہیلی منگ دی  
 ناں کوئی یار سہیلی منگ دی  
 ناں پیسہ نہ دھیلی منگ دی  
 چل کسے دی اچھڑی دے دے  
 ”بامینوں گڈی دے دے“





سوچاں دے پر

زخمی پراں نوں کٹن والیاں

وڈے شکار یا۔۔

میریاں سوچاں والیاں چڑیاں

اڈگتیاں نے انبراں تے

لمی مارا اڈاری گتیاں

اوہناں پیچھے اڑسکیں گا؟

میرے پرترکٹ دتے نیں

سوچاں دے پرکچ کٹیں گا۔۔؟





## ماں دی شان

رب سلامت رکھے سرتے  
اے رکھاں دی چھاں  
اوہدے شوق جوانی مانن جس دے سرتے ماں  
پتر عیباں بھریا ہووے  
ڈبیاوی اوتریا ہووے  
ماں دے ہتھ دعائے اٹھدے  
رب کر دیند اہاں  
اوہدے شوق جوانی مانن جس دے سرتے ماں

ویکھڑ زمانے پھر کے سارے  
جان لوے گا ماں دے بارے  
ماں رُسے تے رب رُس جاندا  
لبھدی ننیں کوئی تھاں  
اوہدے شوق جوانی مانن جس دے سرتے ماں





## قطعات

لج دی لوئی لہہ ناں جاوے  
سرتے فیر چڑھانئیں ہونی  
دیکھی عشق دی بازی نور  
بن مرشد دے لائنیں ہونی



اک نقطے دی گل نتیں سمجھی  
یار منان دا دل نتیں سمجھی  
میرا کون کنارے تے سی؟  
ڈوبن والی چھل نتیں سمجھی



غسلی تیری نہ میری سی  
لیکھاں دی ہیرا پھیری سی  
جھڑے گھر دے رولے سی او  
بس اک مٹی دی ڈھیری سی





## ماہیے

کوئی انبہراں دا تارا اے  
ہاسہ میرے ویرے دا  
مینوں جان توں پیارا اے



کوئی جوڑا جہراہاں دا  
گلی وچ دل منگدا  
ایڈا پُت توں نواہاں دا



گڈی دیاں دو لیںاں  
لوکاں ساہویں ہسدی پھسراں  
کلی بہہ کے رو لیںاں





